

安
徽
金
石
畧

安徽金石畧

卷三

涇縣趙紹祖琴士輯

寧國府

漢銅量唐銅鐘

無年月

佚

宋涇樵人於古井中得銅量識者謂漢時所鑄納之府庫夜有光如火移置宣城元妙觀光乃息又有銅鐘沂流而上道流得之鐘上有銘乃唐天寶溧水香林觀物也其音特異後雷擊壞

寧國府志

田學文彙

無年月

在涇縣

存

彙高三寸四分口徑四寸三分重二觔十二兩容

一升有半腹有三文曰田字文或卽鑄彝者之姓名也腹下銘四行凡二十字其十六全用鄒子鐘銘而首四字不可復辨但知其爲重文爾銘用陽識固非三代之器而結秀瑩澈殆千年以上之物按考古圖有小子師簋其小子二字連而爲字其文正與此同呂大臨曰小子師或官名今以此彝証之則田小子文殊不成語竊疑呂說之未必然也彝今在涇縣歲貢生吳鳴球家

金石文鈔

蝌蚪文半段碑

無年月

在太平

殘闕

在太平縣三峯庵下橫眠山腰今尙可搨模糊漫

漣僅存股脚而已

寧國府志

吳涇縣湖山刻字

赤烏二年

在涇縣

未見

涇舊志云湖山石壁高三百六十餘丈上刻赤烏二年水至此七字至今存按宋五行志赤烏十三年八月丹陽句容故鄣寧國諸山崩鴻水溢未嘗紀二年大水舊志修於乾隆二十年云至今存余嘗訪之山下居人日往樵採者率云未見

涇川金石記

吳安吳城碑殘字

赤烏三年

在涇縣

未見

涇舊志安吳城在大藍山東晉書太康二年置水經注太康元年分宛陵置宋書吳置乾隆三年其

故址掘得一碑字多摩滅而赤烏三年字猶可辨
當是吳置按安吳非晉置不待言卽赤烏爲吳大
帝建元而程普傳已有平定宣城安吳等語當是
漢末所置耳余嘗至山下訪此碑不可得

涇川金石記

晉小楷遺教經

永和十二年

在涇縣

存

相傳得之水中今在平園民家嘗取而觀之似彙
帖中所刻者不知何本也始余著此記時有以搨
本來者缺其首尾故以爲不全今涇新志因余言
而誤及志成友人左春谷

名暄

過平園搨以來後有

永和十二年六月廿一日王羲之書字又後附書

法三昧一段亦有永和四年十月十三日王羲之書字因詳識之

涇川金石記

南齊疊嶂樓詩刻

無年月

謝朓撰

在宣城

佚

題疊嶂樓詩南齊謝朓

輿地紀勝碑目

唐魯府君廟碑

無年月

在宣城

未見

在宣城縣南六十里廟有斷碑載武德六年知巖

以宣城降

輿地紀勝碑目

唐戴國公左難當墓碑

無年月

在太平縣

未見

唐左難當墓碑與石獸俱存

天下金石志

戴國公左難當墓在龍門鄉松子嶺唐初龍門鄉

屬涇後析分太平邑今石碑石獸猶存

涇縣志

唐石中丞廟斷碑

無年月

在宣城

佚

廟在宣城子城南石中丞仲覽宣州人

輿地紀勝碑目

唐宣州東門頌

開元十一年

在宣城

佚

張敬元書開元十一年

金石畧

墨池編

唐開元摩崖詩碑

無年月

在涇縣

佚

涇舊志載宋志蔣子奇摩崖詩序畧云予遊涇川過琴溪浮舟釣臺道旁見石崖蒼蒼上摩穹昊意其下必有瓊觀焉既還自水西涇令陳中裕餞予巖隴寺尉劉公曼云向所觀石崖古刻尚在唐元

宗開元甲子河間邢巨沛國武平一嘗游是溪題
絕句其下又刻一長篇尤雅淡有清思姓氏湮沒
其序云二十二年冬予自柱史謫椽宣城明年九
月連率班公下讀其詩有云忽覩邢武辭聆其金
石備以詩序攷之蓋是人也後邢武一紀而來疑
其卽杜偉也余核杜偉以開元間謫任宣州司戶
而蔣穎叔又先得杜偉所作周公亭記故云云今
全唐詩中錄此二語於殘句中其人卽杜偉而不
載其全篇或卽從涇志采出也涇川金石記

唐開元寺大殿記

無年月

在宣城

佚

唐孟拱辰開元寺大殿記 輿地紀勝碑目

唐東禪院法華經記 無年月 在宣城 佚

唐孟拱辰東禪院法華經記 輿地紀勝碑目

唐多寶佛塔記 無年月 在宣城 佚

唐孟拱辰多寶佛塔記 輿地紀勝碑目

唐周公亭記 無年月 杜偉撰 在涇縣 佚

涇舊志云蔣之奇琴溪釣臺詩序畧曰釣臺傍山
臨溪上有古碑漫滅殘剥其上篆四字云周公亭
頌其餘皆八分云前殿中侍御史宣城郡司戶京
兆杜偉纂其詞有云蓋琴高乘鯉得仙之所也又

有周公因結字焉數字余疑周公亭頌者是周公
嘗作亭於釣臺之上而杜偉爲之頌也偉稱前殿
中侍御史者必以謫來也據此記則碑卽在釣臺
今碑在隔溪水旁惟篆額四字尚存紹祖按舊志
言篆額尚存嘗訪之不可得

涇川金石記

唐涇縣斷碑

無年月

佚

顏真卿書未詳

金石畧

按涇舊志不載此碑則其亡已久

趙紹祖識

唐宣州殘碑

無年月

佚

唐顏魯公宣州殘碑

金石錄目

唐摩崖碑

天寶十四載

在涇縣 存

其文曰巍巍法字聖德靈竒天仙作樂神人護持
猗與居士博大能洽跡晦巖泉情存佛法挾黃鶴
仙帶白龍水清靜妙地靈寶至理唐天寶十四載
癸巳四月壬申朔二十八日巳亥刻石

在涇縣石礪洪頭山可辨者七十餘字

寧國府志

唐李白題雲根二字

無年月

在宣城

佚

郡西一峰之巔有怪石如枯櫟李太白題雲根二
字於上舊志謂尙可摹然二樓記畧佟太守求之
已不可得已

寧國府志

唐東峯亭詩序

永泰間

劉太真撰

在涇縣

佚

在涇縣西二里唐永泰中季廣琛將兵討石埭寇告捷賦詩劉太真爲之序今石刻存焉

輿地紀勝碑目

唐袁石

無年月

在涇縣

佚

涇之水西東峯亭有唐中丞袁修招討江淮與劉太真賦詩刻石後裴丹至水西於荆棘中得斷碑色黧狀方中有袁修二字因名袁石周紫芝詩云如何一百八十載只有袁修字宛然

二樓紀畧

此卽王象之輿地碑目所載東峯詩序也按蔣穎叔跋云右涇令陳淳夫中裕以涇古石刻見寄其

袁修二字蓋大厯元年袁修所書而南唐保大五年徐延祚所獲也是時知縣駕部郎中爲之詩其注云永泰中修自御史中丞爲招討副元帥駐旆於東峯亭會石埭報捷與羣公賦詩紀之又於座上各賦一物東峯亭賦詩破賊在大厯元年五月而裴丹言七月非也吳光輔詩注云永泰初修爲招討亦與太真詩序不合蓋裴丹吳光輔皆不見紀勝詩但以傳聞言之而今余獨得之以攷証焉惜其泯滅因爲鑱石以久其傳熙寧二年己酉秋八月朔晉陵蔣之奇跋細按跋意是穎叔曾得全

碑而爲之重刻者則當時自有全刻流傳而象之亦曾見之故云刻石存耳

寧國府志

唐開元以來良吏記

大厯中佚

陳簡甫撰文載寧國府志

在宣城

良吏記陳簡甫題開元良吏六人

輿地紀勝碑目

按記內所載良吏六人刺史裴耀卿刺史兼江南西道採訪處置使班景倩竹承構裴惇復涇縣令李孝儻司功叅軍張邈大厯初兼御史中丞陳統方鎮臨此欲紀前烈而命陳簡甫爲之記

趙紹祖識

唐梓府君神祠記

無年月佚

崔龜從撰文載宣城縣志

在宣城

按記言吳越之俗鬼民之有病不謁醫而禱神余懼邑人聞余感夢之事而爲巫覡所張大悉記其事與祝神之文刊之於石欲以權道化民云云然其所記前後兩夢極荒怪幻惑適足以煽妖巫之焰而益吳俗之迷較之西門豹之投巫不可同年語矣

字國府志

按府志但言兩夢荒幻而不載其事遂以無攷其本末亦非傳信傳疑之旨也

趙紹祖識

唐福田寺經藏記

大厯中 崔龜從撰 在宣城

大厯中崔龜從福田寺經藏記

輿地紀勝碑目

按王象之云此碑大厯中則梓府君神祠記亦大厯時也龜從舊書新書皆不言爲宣州何官遂無得而証之

趙紹祖識

唐宣歙觀察使薛邕去思頌

無年月

崔巨撰

在

裴章分書在宣州

金石畧

崔巨薛公去思頌

輿地紀勝碑目

按墨池編裴章作裴律未知孰是據宣城志薛公堰在城北一百一十里唐建中初觀察薛邕

所築

趙紹祖識

唐賀蘭夫人墓誌

貞元七年

陸贄撰并書

在宣

集古錄云唐陸贄撰并書以正元七年立

輿地紀勝碑目

按歐公集古錄明云此石在常州不知輿地紀

勝碑目何以載入宣州常宣二字字形相近未

知孰誤姑從碑目錄之

趙紹祖識

唐宣州響山新亭新營記

元和三年在宣城

權德輿撰文載權載

之集

記畧云元和二年冬十月宣城師中執法襄陽郡

王路公作新亭新營凡周月而厥功成書時且便

於人故也公因暇日觀視原野直南一里所得響

山焉兩崖聳峙乃量日力計徒庸闕於弇中成斯

夷道揭東西二字於雙峰之上相距二百步因其
爽塏乃列營署三年夏五月記

此權德輿爲宣歙觀察使路應作也韓文公爲
應作墓碑所謂作響山亭營軍於左右權丞相
善之鑱其說響山石者是也應爲路嗣恭嫡子
新舊唐書及墓碑皆作應而廬州府志獨作應
求不知何緣而誤

趙紹祖識

唐處士施照墓誌銘

元和四年華嚴撰
廣西馬平縣巡檢趙杞家存

嘉慶四年五月余從弟杞治圃掘土築墻見石而
取之兩石相麗碎其上石而碑見稍後見古壙遂

掩之銘石如粉糜出土時爲無知者以手按視遂多模糊然尚可讀書碑及刻石者之名闕焉銘曰瘞此南坡知今之城在唐城之南也又曰日月其逝恐易山河雖銘辭套語然慮此遠矣

金石續鈔

按此文今刻全唐文中涇在唐爲僻邑時未有以文名者而此銘應時出土余刻之金石續鈔遂得獨入不可謂非施處士之幸也

趙紹祖識

唐南陵大農陂記

無年月

韋瓘撰

在南陵

佚

文載寧國府志

韋瓘南陵修大農陂記

輿地紀勝碑目

記畧云寧國令順陽范君假南陵印縣有廢陂曰

大農召鄉老里正面計之斬莽闢蕪培高徹卑三
旬而畢厚生之物永永不極尋遷御史後三年連
率范公領宣部邑人三請公曰伯氏功利如是吾
敢詭故哉乃從之邑長李君請余爲記

按順陽范君者范傳正元和中以寧國令攝南
陵修大農陂而後人思之故請立碑而韋瓘爲
之記也連率范公領宣部者當是范傳式爲宣
歎觀察使故稱傳正爲伯氏也傳正唐書有傳
而不載其爲令之績此亦可以補史之闕

趙紹祖識

唐題梓府君廟詩

無年月

在宣城

佚

李太白司空圖題梓府君廟詩 輿地紀勝碑目

唐重修敬亭廟記 無年月 在宣城 佚

張延嗣重修敬亭廟記 輿地紀勝碑目

唐祭敬亭山文 無年月 在宣城 佚

鄭薰祭敬亭山文又碑陰杜宣猷文 輿地紀勝碑目

唐白龍寺經幢 開成元年 在宣城 存

開成元年在水陽鎮 輿地紀勝碑目

此幢現存水陽東岸南禪寺前 寧國府志

唐冲妙觀斷碑 會昌中 在宣城 未見

在宣城縣東二十里會昌中立 輿地紀勝碑目

唐修梓府君廟記

大中二年 佚

劉仲約撰

在宣城

大中二年劉仲約重修梓府君廟記

輿地紀勝碑目

按朱長文墨池編仲約作重約未知孰是

趙紹祖識

唐建新興寺碑

大中二年

在宣城

佚

大中二年相國裴休建盧肇書在宣城縣北敬亭

山

輿地紀勝碑目

唐湖山神廟碑

大中三年 韋煥撰

在涇縣

佚

文載涇縣志

湖山神爲晉桓簡公彝彝盡節於涇地故涇人祠

而祀之大中三年邑人裴鐸新其廟而煥爲之記也煥尉於涇其文末云庶幾今之人日有來者歎

曰某年有韋尉雖無他及我憐其爲我記茲事以

思之

涇川金石記

唐新興寺新條流勅

無年月

裴休撰

在宣城

裴休撰在敬亭山

輿地紀勝碑目

唐新興寺經閣帖

無年月

裴休撰

在宣城

佚

裴休撰在敬亭山

輿地紀勝碑目

唐刻謝元暉詩碑

大中十一年

在宣城

佚

鄭薰自河南尹觀風茲地得謝公集中詩三十餘

首揭碑於郡樓西北隅

綺霞閣謝詩碑亭序

唐疊嶂樓記

咸通

十二年

獨孤霖建

在宣城

文載寧國府志

北樓在宣城縣治北南齊守謝朓建李白詩誰念
北樓上臨風懷謝公咸通中獨孤霖改爲疊嶂樓
自爲記 大清一統志

在府治咸通中獨孤霖建記曰郡以溪山著名而
溪少負則疊嶂名之爲宜 輿地紀勝碑目

唐荀茂志異碑

乾符二年存

荀茂撰

在太平縣

碑文曰唐大和辛亥茂年五十一宰撫州南城曾
修瓊仙墓乾符二年七夕夜步月孃溪之濱忽白
氣如練縈紆其身恍惚乘炁雲度瀟溪東山之阿
引飲醴泉次蚤見烟子亭頽然翼於井上甘泉雙

湧異香逼人竟託蹟茲山居焉事出非常敬鏤志
之時年九十有五五松老人倅貞父荀茂識

荀茂碑在太平縣弦歌鄉金氏宅東石已斷

寧國府志

唐宣州重建小廳記

乾寧二年

沈顏撰

在宣城

佚文載寧國府志

此楊行密將田頔爲寧國節度時所建而沈顏
爲之記也故記中多敘田頔之績

趙紹祖識

唐高璩敬亭山梓府君廟題名

無年月

在宣城

按梓府君不知何神據寧國府志敏應廟在府
治敬亭山麓祀廣惠王之神歲用八月朔日廟
始於宋元嘉中有魏長史者自江右載豆來宣

城忽有梓木並舟而行夜夢神告曰我錢塘梓
府君也欲託祠於昭亭山旣而舟至其處魏度
山麓宜爲神居然無以得材復夢神曰宣城方
病目舟中豆可療也試之輒驗得錢旣多祠遂
成宋政和賜額敏應觀然則自宋政和以前爲
梓府君廟也第其事甚荒幻殊非祀典所宜而
廣惠王之封亦不知何時姑記於此以俟知者
趙紹祖識

又按崔龜從梓府君廟記云余懼邑人聞余感
夢之事而爲巫覡所張大似龜從感異夢而爲

廟而此云魏長史不知龜從或另有夢或卽感
魏夢而爲之修廟也然自宋元嘉至唐大厯亦
遠矣龜從何爲感其夢而爲之張大而又懼人
之張大也殊皆非理所可解

紹祖又識

唐羅隱題詩石

無年月

在寧國縣

未見

在寧國縣東三十里女兒山古有神女現影羅隱
題詩鐫石蹟至今存

寧國府志

唐新興寺藏記

天祐二年佚

僧浩澄撰

在宣城

天祐二年僧浩澄新興寺藏記

輿地紀勝碑目

唐新興寺羅漢碑

無年月

徐善撰

在宣城

佚

徐善新興寺羅漢碑

輿地紀勝碑目

唐禪定寺通公碑

無年月

在宣城

佚

嚴綬禪定寺通公碑

輿地紀勝碑目

南唐徐知證墓碑

無年月

在宣城

殘闕

在宣城縣西十四里

輿地紀勝碑目

碑亭在城西十五里亭久隳而碑尚存蓋徐知證墓道碑也知證乃李先主昇之弟始俱爲徐溫養子昇旣貴盛溫諸子皆忌惟知證常陰祐之故昇以爲德知證封魏王出爲宣州刺史卒葬於丁山距此十里許今碑文剥缺多不可辨云

寧國府志

按知證爲徐溫第五子非養子也故諸徐忌李
昇而知證能陰祐之昇以爲德也府志以爲與
昇俱養子誤甚墓距城二十五里距碑十里許
則碑在城西十五里與碑目言十四里本符合
而府志引碑目誤作四十里遂相懸絕蓋碑目
皆鈔本誤字不一故有此差謬 趙紹祖識

南唐文宣王新廟記

保大五年

徐鉉撰

在涇縣

徐鉉孔子廟記在涇縣

輿地紀勝碑目

徐知證鎮宣城保大四年其推官吳邦輔兼理涇
縣事乃復建學宮而徐鉉爲之記徐鉉爲之書惜

碑亡不可見其文有曰明年秋君奉計如京師因得其實蓋碑立於五年也

涇川金石記

南唐薛文美小廳記

保大十一年涇縣佚

薛文美撰文載涇縣志

在

薛文美廳記保大十一年在涇縣

輿地紀勝碑目

按記云余自出周行來泊斯邑是文美曾知涇縣事也又云試請少府邢公楷是南唐時涇尉有邢楷也是皆可以補舊志之所不詳又云庚戌中秋始剏高亭命曰齊雲亭庚戌是保大八年其文曰始則文美之來涇在先矣至十一年而又建小廳蓋治涇如此其久也

涇川金石記

南唐水西寺碑

無年月

在涇縣

佚

水西寺碑唐宣宗在涇縣

輿地紀勝碑目

按此碑碑目所言不詳而載於薛文美小廳記後則碑亦南唐立惜不載作者書者之名無以攷其始末唐宣宗避地於水西其詩有報道風光在水西之句攷古者多疑其不實然南唐去唐不遠而已有此碑則其傳必有所自矣

涇川金石記

南唐宣州築新城記

無年月

韓熙載撰
文載寧國府志

在宣城

韓熙載築新城碑碑陰林仁肇文

輿地紀勝碑目

按記云我唐中興三葉聖歷再周乃詔寧國軍

節度使檢校大尉同中書門下平章事都督宣
州諸軍事宣州刺史濟南公築此新城自壬戌
歲二月興役至癸亥年三月畢工十月五日記
濟南公或是朱匡業癸亥則宋之乾德元年也
時南唐奉宋正朔不紀元故但稱癸亥輿地紀
勝稱碑陰爲林仁肇文今亦不得見而仁肇代
匡業爲寧國軍節度在壬戌七月正城未畢工
時也 趙紹祖識

南唐李後主送鄧王二十弟牧宣城詩

開寶元年

在宣城 佚

李後主送二王詩在宣城

輿地紀勝碑目

按十國春秋云後主弟從鎰初封鄧王開寶初
出鎮宣城後主作詩送之韓熙載和詩最佳輿
地紀勝碑目作李後主送二王詩誤也寧國府
志藝文門載後主詩其題作送鄧王二十弟牧
宣城當爲是然從鎰爲元宗第八子而云二十
弟亦所未詳

趙紹祖識

南唐重修宣城縣廨宇記

無年月
佚

朱珣撰

在宣

朱珣重修宣城縣廨宇記

輿地紀勝碑目

宋修觀風疊嶂樓記

景德三年
佚

遼肅撰
文載寧國府志

在宣城

觀風樓在疊嶂樓東樞密學士知宣州事邊肅修

自撰文 寧國府志

宋綺霞閣謝詩碑亭序

天聖四年 蘇爲撰 在宣城 佚 文載寧國府志

序畧云大中十一年鄭薰以謝詩揭碑於郡樓迄淳化二禩垣頽碑仆會左史姚公鉉同理郡遂遷置於綺霞閣然歲久摹印字多訛闕今東平駕部再營是閣乃以謝詩分勒二石對峙樓壁之下時天聖四年仲冬月一日中散大夫尙書職方郎中知宣州事上柱國蘇爲序

宋翰林侍讀學士給事中梅公墓誌

康定二年 歐陽修撰 在宣城

城 佚 文載文忠公集

按康定二年卽慶厯元年也是年十一月改元而文作於八月故元康定二年也

宋太子中舍梅君墓誌銘

皇祐元年
在宣城

佚 歐陽修撰
文載文忠

公集

誌畧云君諱讓字克讓世爲宣城人不肯仕其弟詢奏任君大理評事致仕有子六人而堯臣有名當世君享年九十有一以皇祐元年正月朔卒於家

宋寧國軍前太守題名記

皇祐三年
宣城 佚

袁抗撰
文載寧國府

志

記畧云宣城郡於東漢州於隋唐爲宣歙池觀察使治所我宋克江南仍節度故額曰寧國軍命朝臣領符印慶厯七年冬抗罷鹽鐵使副被命來守日究前之領州者名氏或勝而存焉乃較其歲月勒之石皇祐三年八月三日袁抗書

宋太平縣廳記

嘉祐二年 孫覺撰
佚 文載寧國府志

在太平縣

記畧云余旣令之明年易視事之堂新之悉取前任名氏可攷者列之屋壁又爲編次其山川物食財用之可嘉被服風俗喜好之所尙後之君子得以覽焉嘉祐二年十二月將仕郎試秘書省校書

郎守縣令孫覺記

宋太平縣衆樂亭記

嘉祐三年 孫覺撰 在太平縣 佚 文載寧國府志

記畧云余令太平之年得縣之東山溪之會處以作亭焉而至者樂之因名之曰衆樂嘉祐三年六月守縣令孫覺記

宋池軒記

嘉祐三年 王安國撰 在宣城 佚 文載寧國府志

記畧云宣城中有陵陽三峰而州治在一峰之上嘉祐三年余過之通判杜君懿嘗邂逅淮南宴余於疊嶂樓因府東爲便廳廳後作軒池上酒半與余憩其間而請記之嘉祐三年十月十一日王安

國記

宋梅聖俞墓銘

嘉祐五年

歐陽修撰

在宣城

宋梅堯臣墓碑歐陽修撰

文忠公集

誌畧云嘉祐五年京師大疫四月乙亥聖俞得疾
卧城東汴陽坊八日癸未卒粵六月甲申其孤增
載其柩南歸以明年正月丁丑葬於宣州陽城鎮

雙歸山

宋修湖山桓簡公廟記

嘉祐七年

李定撰

記畧云定到涇三日以故事謁公於湖山之祠堂
退而論次之嘉祐七年正月初三日記

宋宣州通判廳綺霞閣記

嘉祐七年宣城佚

章岷撰在宣寧國府

志

記畧云昔卜都建業宣爲近輔南齊謝守假麾於此風雅所宗古今罕儷餘霞成綺傳布海縣後之作者賞其風調構爲飛閣以綺霞勝之嘉祐庚子田曹郎石君堯夫被詔監郡益其舊址而宏大之期而閣成辱契爲僚目覩輪奐之盛如何勿書因刻於片石嘉祐七年三月七日章岷記

宋建陽陳夫人墓誌銘

無年月 王安石撰在宣城佚 文載王臨川集

誌畧云夫人建陽陳氏嫁同縣人余君諱楚爲繼

室少子翼生三歲而余君卒翼後以進士起家尉宿松而夫人年七十八卒於宿松官舍某年月日葬宣州宣城縣鳳林鄉竹塘里

宋宣州推官廳覽翠亭記

無年月宣城

佚

梅堯臣撰文載宛陵集

記畧云太守邵公於後園池旁作亭春日使州民遊邀余名之曰共樂其後別乘黃君於靈濟崖上作亭會飲予名之曰重梅今節度推官李君亦於廨舍南城頭作亭以觀山川以集嘉賓余名之曰覽翠

宋文脊山齊雲亭詩刻

無年月

在寧國縣

未見

宋文脊巖同游詩梅堯臣張獻民作

天下金石志

宋梅堯臣與宣城簿張獻民同游題詩石刻尙存

寧國縣志

按寧國志載此於山川門引方輿紀要在縣西北三十里又載於古蹟云在縣東南山門其參差如此攷文脊山實在縣西三十里果不知齊雲亭果在此山之麓否又梅宛陵集有和張簿遊山門詩疑文脊山門本一地而東南西北志必有一誤也

趙紹祖識

宋翰林侍讀學士知許州軍州事梅公神道碑

熙寧元年

王安石撰 在宣城 佚 文載臨川集

碑畧云梅公之墓在宣州宣城縣長安鄉西山里
公有五子鼎臣德臣寶臣輔臣清臣清臣今獨在
爲尚書司門郎中以公行狀及樂安歐陽公之銘
來請文以刻墓碑時熙寧元年八月四日

右梅詢昌言墓碑文甚畧而銘特詳其生平事
實悉以四言文之爲荆公摹韓最得意之作也
趙紹祖識

宋疊嶂樓記

熙寧二年

蔣之奇撰

在宣城

佚

文載寧國府志

記畧云前守刁侯之來也旣以疊嶂之秀新其樓

安徽金石畧

卷三

二一

又以雙溪之勝創其閭刁侯去而繼之者今光祿
余公謂之奇曰居者之逸成者之勞繼者之易創
者之難子其記之之奇曰人情莫不欲逸自逸者
不若同民莫不欲樂自樂者不若與衆公曰然遂
書之刁侯名約今爲刑部郎直史館余公名良肱
爲光祿卿知宣州云熙寧二年六月一日蔣之奇
記

宋郭祥正摩崖

熙寧三年

在涇縣

存

其文曰余自宣城來游斯邑遂同權令晁端本本
之尉劉誼公曼進士梅及中晁端佐管道王偉至

此各賦詩而去大宋熙寧三年九月三日書當塗

郭祥正題

涇川金石志

宋晁端本摩崖

熙寧三年

在涇縣

存

其文曰蕪湖簿權涇邑事晁端本涇尉劉誼進士

王

闕

晁端佐熙寧庚戌九月初七日同游賦詩按

端本前與郭祥正同游賦詩未數日而又與其僚
佐賓客重游賦詩題名崖上亦好事者也今惟郭
祥正一詩載於邑志其端本等前後兩游諸詩皆
不見不知崖上尙有刻否當更訪之

涇川金石記

宋劉誼摩崖

元豐七年

在涇縣

存

其文有曰元豐四年余以江西常平上書得罪六

年

下關

三茅山明年復官遊黃山過琴高巖又有曰

同旌德令馬諱

下關

建德尉王彥又有曰時涇令丁

維考試則此爲元豐七年刻也涇舊志載尉劉誼

以論新法謫隱居三茅山則此爲誼復官後重過

涇而書其事無疑也惜下多殘闕不可讀此刻以

後爲前

涇川金石記

宋蘇軾書陀羅尼石刻

紹聖四年

在宣城

存

石在寧國府城北門外十里廣教寺塔頂塔經
火燬石亦腐不可搨僅於故家借得一本今錄

其書贈月日及募刊姓名陀羅尼世多有故不
錄元豐四年二月二十七日責授黃州團練副
使眉山蘇軾書以贈廣教模上人紹聖四年五
月朔宛陵郡人汪遵昱施財上石乾明寺楞嚴
講院行者徐義謹勸募刊

趙紹祖識

宋白龍潭摩崖

無年月

在旌德

存

鳬山蜿蜒如龍東行二里許至潭處忽突怒崢嶸
挿入潭底巖壁瘦削下臨無際有徑容趾足二分
垂外上刻白龍潭三字大四尺餘旁鐫宋丞相劉
義溫書

寧國府志

宋趙經臣等摩崖 無年月 在涇縣 存

其文曰趙經臣郭庭俊李晏 闕 卯上巳日游巖礧

從琴溪尋勝至此因以小酌晚宿白塔翌早還邑

後有小字一行云凌天鈞同 下按涇舊志職官表

宋有郭廷俊選舉表宋有進士凌天鈞惟庭字與

廷為異蓋古多通用也此刻以後為前 涇川金石記

宋奉議郎施縝墓誌銘 紹聖四年 李琮撰 在宣城 存

右施縝墓誌在宣城縣左朝議大夫充寶文閣待

制知杭州軍州充兩浙西路兵馬鈐轄兼提舉本

路兵馬巡檢公事上柱國隴西縣開國子食邑六

百戶賜紫金魚袋李琮撰朝奉大夫知洪州軍州
兼管內勸農事充江南西路兵馬鈐轄上護軍借
紫張綬書朝散大夫管勾洪州玉隆觀護軍文安
縣開國子食邑六百戶賜紫金魚袋顧臨篆蓋纘
以父蔭補太廟齋郎嘗知鄆州壽張縣改簽書鎮
南軍節度判官加奉議郎賜緋魚葬仁義鄉響山
之原琮字獻甫臨字子敦宋史皆有傳臨爲管勾
玉隆觀則史所不載也誌文完好如新書法亦佳
宣城孫生元珽以予嗜金石文手搨一本見貽考
陳魯南南畿志不載纘墓故表而出之

潛研堂金
石跋尾續

宋大觀石刻七方 在涇縣 存

宣城縣李俊造塔第二層記 大觀二年

涇縣吳宗式造塔一面記 大觀二年

王詢王昂造塔記 大觀二年前半殘闕不知何縣人

宣城縣朱日初造塔第三層記 大觀三年

宣城縣張徽造塔一面記 大觀三年

涇縣文宗義造塔一面記 大觀四年

殷智臯造塔一面記 無年月前後俱闕

水西大塔在寶勝禪院前大觀時造上有石刻數

十方嵌塔內外乾隆癸巳直隸朱竹君諱筠先生督

學安徽以大觀石刻命題考試古學而其名始顯
甲午婺源王元綸偕邑人翟兆復趙良爵等同游
水西元綸輕捷善緣直出塔頂周環數之謂得二
十六方既乃命工拓其石咸畏憚不敢上僅得其
第二層中所有皆記當時人捐財祈福事甚詳舊
志雖載塔爲大觀時建而不及石刻乃記神女宗
婆婆事未免貴耳而賤目也

涇事

宋政和石刻二方

在涇縣存

涇縣郭庭俊造塔一面記

政和二年

涇縣吳氏小四娘與男包勣等造塔二面記

政和五年

涇舊志稱寶勝寺前塔爲崇寧塔意其肇始於崇寧而成於大觀故也今按此石乃政和五年立蓋前後幾十餘年而後成

涇事

按縣人左明經暄作涇志刊誤補遺載塔上有宋景瞻觀音贊又有大聖贊十二時歌趙秀才友廣亦言曾見塔上水月觀音像贊以未見榻本故不錄姑記之以俟後之君子

涇縣志

宋宣州新學記

建炎二年

文載寧國府志

呂本中撰在宣城

記畧云宣州之學廢於兵燹前所居者湫隘廡下在州治之南則求其故居而改治之至建炎二年

學始成前滄州州學教授宣城李宏也敘學者之意而求記於東萊呂本中

宋宣州惠泉銘序

無年月 周紫芝撰
佚 文載寧國府志

在宣城

序畧云太守呂公旣因舊壘而新之攻守之脩咄嗟立辦乃卽城東南鑿地爲池畚鍤方興而泉湧於地知錄事沈侯肇勝以惠泉且作記叙其本末而公復欲予銘雖辭旨蕪陋庶幾託異事以傳

按紫芝又有新城賦序云建炎三年尙書右丞呂公移病得請爲宣城守公至三月因舊址鳩工不歲告成則此太守呂公者呂好問也然按

史建炎三年爲宣州守者李光修城而拒戚方之寇者亦李光若好問爲宣守當是靖康末建炎初疑府志鈔錄有誤惜未得太倉梯米集以証之

趙紹祖識

宋贈少保汪公神道碑

紹興九年

汪藻撰

在涇

縣

存

文載涇縣志

右宋贈少保汪藻撰吳說正書汪伯彥題額隸書尤奇偉人多以伯彥書而薄之按宋史藻本傳旌德人碑云宣州之新建人宋史傳甚畧而碑頗詳可以補史之闕然其文有曰其辭已載幽室之刻故姑掇其大者述焉是尙有墓誌更詳惜

不得而見之 涇川金石記

按碑今存水西公墓前涇縣宣城旌德三縣爭之涇有汪夢環者爲公建祠堂於是山而爲亭以覆碑二縣不得爭而碑七百年來經風霜剝蝕而不壞實賴涇之子孫世守之 趙紹祖識

宋宣州崑山金牛洞記

紹興二十七年
在宣城 佚

魏良臣撰
文載寧國

府志

記畧云宣州崑山舊有洞名金牛自昔嘗有真隱修煉於此歷時滋久丹竈爲墟紹興甲戌稍加荒緝結小庵於其側丁丑八月如心居士魏良臣記

宋石柱山摩崖 紹興二十七年 在涇縣 存

涇舊志云乾隆十八年正月涇西石柱山崖崩碑

露可讀者二十八字其文曰時丁丑紹興二十七

年十二月記 闕二 鑿險崖取平路往來人宜 闕 顧

舉 闕三 全體露按其文意亦開道記也 涇川金石記

宋宣城新建貢院記 紹興三十年 朱翌撰 在宣城 佚 文載寧國府志

記畧云宣城每大比諸生較藝無定所翌來守度

郡西地命宣城宰吳君一能為屋數十楹將成而

翌移吳門通守俞君召虎嗣其事太守凌君景夏

實落成之吳君使來求記紹興庚辰十二月

宋梅權造塔一面記

紹興三十一年

在涇縣

存

水西有二塔一在寶勝寺前大觀時建其一在崇慶寺後紹興時建此塔雖有層級而實其中不可登最下有石刻一小方卽是記也想其上尙多惜不得而見之

涇川金石記

宋旌德縣修學記

無年月

徐銳撰

在旌德

未

見文載寧國府志

記畧云旌德介乎深山窮谷之間風聲習氣爭尙簡朴北海齊侯下車喜曰是不優游撫摩而理耶邑用大治乃卽學宮以爲教化根本之地革故而鼎新之教諭徐銳喜而爲之書

按齊侯名慶胄乾道二年來爲旌德令

趙紹祖識

宋林淳摩崖琴高巖三大篆字

乾道九年存

在涇縣

按後有小篆一行云乾道癸巳三山林淳篆淳於

乾道八年來爲涇令也

涇川金石記

宋巖隴包伯騶刻詩

淳熙十年

在涇縣

存

按詩末云緬懷二老調逸思更無窮蓋伯騶嘗刻
僧道常彥邦詩而後刻已詩也今惟伯騶詩存嘉
慶二年余從琴溪至巖隴見洞口有斷石一方其
所刻卽彥邦詩後使人榻之已無有更訪之也

涇川金石記

宋重修魏公祠堂記

淳熙十四年

李域撰

在涇

記畧云故大丞相東蓼魏公杞之宰涇縣也涇人化之被召之日乃卽縣學立公生祠俞侯言來宰是邦謁公之祠慨其歲久頽廢捐俸葺而新之旣成命域記其事淳熙十四年正月旣望迪功郎涇縣丞番易李域記

宋南陵敬臨堂記

淳熙十五年

謝諤撰

在南陵

記畧云南陵有茂宰郭君高叔其先君子宰湖之歸安嘗以敬臨名堂高叔因卽以顏其廳事間求記於余余曰可謂知言之要矣余聞高叔力學信

古每事必審名堂之意孝道寓焉南陵俗本淳雅
尙義況乎有以先之將見家權綽而野冀缺其亦
可名爲毋不敬也已高叔名堯官承議郎諫議大
夫

宋南陵重修大農陂永豐陂記

淳熙十五年

謝諤撰在南陵

未見

文載寧國府志

記畧云諤旣爲郭君堯記敬臨堂其邑之衆告曰
大夫有功於農政尤不可默邑東南有二陂一大
農一永豐稍就湮廢田日告病大夫白於常平提
舉謝公深甫支撥緡斛委主簿徐挺之同力計視

鳩工於丁未之冬訖事於戊申之夏溉田八萬餘畝所冀來者增其所損補其所不及邑衆欲記諸石其以此也淳熙十五年諤謹記

宋旌德縣廳壁記

無年月 李瞻撰
文載寧國府志

在旌德 佚

記畧云旌德創於唐肅宗之七年迄今四百餘年其宰賢否尙可取質於人余自紹熙改元承乏於此聞諸耆老有練長官者元祐間宰是邑至今鄉間里巷每遇酒之清者則曰此練公也又嘗修橋梁以濟人亦以練公目之於是訪諸邑人自寶應以來得其姓氏之可知者由高君以下五十有五

地僻遠不得其詳歸然存者惟此記耳土人相傳
變爲紹定時進士官至尙書郭氏家乘又載丁令
威封侯封王皆由燮前後請史旣無徵縣志以爲
荒謬亦不詳其事

涇川金石記

宋理宗賜杜範勅

嘉熙三年

在宣城

存

右理宗賜杜範勅凡七行首行勅字上鈐書詔之
寶後題二十六日不署年月末行一勅字極大又
有勅杜範三字亦鈐書詔之寶外周有長方界似
是封皮也下方有杜範跋後題嘉熙三年七月日
朝奉卽右文殿修其下闕惟存拜手稽首謹書六

乏茲土首謁文廟內省忸然亟捐俸鳩工同列助
費大姓佐役部使者胡公澥聞而嘉之予錢十萬
以趣其成經始於辛未之春落成於壬申之秋諸
生請有以記之於是書其事而刻於石嘉定癸酉
孟秋旣望濡須王栒叔永記

宋郭燮開道記

端平二年

在涇縣

存

涇舊志載摩崖五一琴高臺唐開元刻一洪頭山
天寶刻一石門宋隱士徐時刻一石柱山紹興刻
一卽此記也在縣東四十里硃砂山相對之慈雲
洞口今上三者皆佚卽石柱山刻出於近時而以

人謹勒諸石知縣事李瞻記

按練長官者名毖高君名叔夏初建旌德縣之

令也 趙紹祖識

宋嘉定井欄刻 嘉定四年 在宣城 存

在宣城鰾魚背茶庵上刻嘉定四年四字 寧國府志

宋重修涇學記 嘉定六年 王栢撰 在涇縣 佚

文載寧國府志

記畧云藝祖皇帝受天命首營學校惟國庠爲盛
景祐中始立藩鎮之學至慶厯始立郡縣之學涇
古邑也建學於有唐之季獨先諸邑於今五遷中
間燬於兵火盪於水災日復一日鞠爲園蔬余承

字以本傳攷之嘉熙二年差知寧國府明年至郡
四年還朝則嘉熙三年正範在郡日也宋時差遣
以帶職爲榮故史於寄祿官多不書範官朝奉郎
固可不載其除右文殿修撰亦不書則史之闕漏
矣勅文云肆命相臣肇開督府聯合吳蜀表裏江
淮謂史嵩之以右丞相督視兩淮四川京湖軍馬
兼督江西湖南軍馬也碑在寧國府署前宣城張
惺齋榻以遺余

潛研堂金石文跋尾續

宋宣城立五賢堂記

無年月 王遂撰 在宣城
供 文載寧國府志

記畧云二仙堂者祀齊尚書郎謝公朧唐供奉翰

林李公白也五賢堂者增宣州觀察使顏公真卿
太子賓客白公居易吏部侍郎韓公愈也平江知
府王遂記

宋南陵修儒學記

嘉熙四年 王遂撰
佚 文載寧國府志

在南陵

記畧云紹定中四明袁公甫持節江東行部南陵
進諸生講論經術大義嘉熙末天台杜公範起知
州事教六邑諸生以大學中庸論孟之旨杜公旣
入朝適星江趙公若琚來典南陵毅然以修學爲
務殿設貌像門宇宏深內建堂明倫外立堂沂春
爲藏修息游之所四旁立袁杜二公像而廟祀焉

嘉熙二年白露平江知府王遂記

按杜範以嘉熙二年知寧國府三年至郡四年還朝則記中所云嘉熙末嘉熙二年者必府志之誤嘉熙末末字當是中字二年當是四年也爲正之

趙紹祖識

宋宣州譙樓晷漏銘

淳祐二年

汪繹撰

在宣城

未見

文載寧國府志

序畧云唐大中五年宣帥沈傳師命判官杜牧製作精密中更變故首尾斷缺別作刻漏不合於古至是命長樂林可大新作晷漏悉如故智汪繹爲銘

宋參知政事饒公墓誌

無年月
國縣

佚

趙庸齊撰

在寧

在寧國縣東四里顯山端明殿學士趙庸齊爲誌

今廢

寧國府志

按寧國府志載饒虎臣墓於山川云在縣東四里顯山又載於冢墓門云在縣北三十里管村或此墓廢而移於管村乎然新修寧國志參差不一如此類甚衆未可以意言也

趙紹祖識

宋程炎子摩崖

寶祐四年

在涇縣

存

炎子爲宋末高士文丞相天祥過涇嘗迂道訪之此刻中題云琴高控鯉處前後記年月姓名式頗

古而書未佳

涇川金石記

按琴高崖下有一小洞去深溪尺許余曾攀蘿至洞口口甚狹不能進此刻正當洞門遂榻之以歸

趙紹祖識

元廣法寺鐘銘

元貞元年

在宣城

存

在宣城象林山元興賢鄉汪大寧鑄元貞元年題

錄文係四六未錄

寧國府志

元寧國路總管府興造記

無年月
城佚

姚燧撰
文載牧庵集
在宣

記畧云至元丙子宋亡詔列諸道憲司于江之南建行臺於揚州以統之後由徙臺建康復徙江東

道之治建康者於寧國居有其府徙府於南倅廳
皇慶改元之冬故平章政事子陳侯杞來牧是邦
視府署老弊乃市取府北民居通會同場以廣隘
陋圖其譙樓儀門廳以聽政堂以燕處廳翼兩室
右居府推左居幕府吏列兩廡架閣交鈔軍資諸
庫與夫庖廐各自爲所經始明年之春役不三時
如圖告成又闢金光塞門經府前東直青陽門青
陽之外雙溪南北橋皆造舟爲梁又新廟學百楹
遣屬吏三千里走郢求記其興作歲月將告來者
宣在勝國升州爲府反下取屬縣寧國爲名不嫌

於重又金光則唐長安都城西門今猶仍不變不知何時取稱于此故併及之

按記云皇慶改元之冬又云經始明年之春不三時告成則碑立于皇慶二年也記不載於寧國府志由碑久亡而牧庵集世不多見故也余故稍詳之使來者有攷焉

趙紹祖識

元蘇公修學記

延祐七年

程棨撰

在涇縣

存

記爲宣城縣丞程棨撰高安縣丞施霖書在涇縣學宮西廡其所記卽趙子昂所書蘇公政績碑中大修文廟復浮屠氏侵田而教養之祭器則悉以

銅鑄焉事也世人震於趙書榻者無虛日而此碑不顯

涇川金石記

元涇縣尹承務蘇公政績記

至治二年
在涇縣

梅震撰

右涇縣承務蘇公政績記首列翰林學士承旨榮

祿大夫知制誥兼修國史趙孟頫書國子博士承

事郎

名漫
德

篆額亞中大夫寧國路總管府達魯花

赤兼管內勸農事某立石達魯花赤署名作蒙古

書而立石與書篆人並列於前皆碑之剏例也碑

爲松雪晚年書結體圓勁而不放縱蘇尹名濟字

汝舟益部沂人在官三載民歌之曰四民藝業通

縣官有蘇公三載民無憂賴有蘇汝舟元史良吏傳不載特表而出之

潛研堂金石文跋尾續

此碑爲涇教諭梅震所撰自以官卑故列名於後而列吳興及達魯花赤之名於前碑後尙有題名數十人似非吳興所書

涇川金石記

按碑陰有跋至治十一年程卓撰齋長王元禮書在陰下層其上層則梅震祭器記也

趙紹祖識

元涇縣祭器記

至治二年

梅震撰

在涇縣

存

在政績碑陰上層其文亦梅震所撰也器卽蘇公所造凡三百一件

涇川金石記

元涇縣新學記

元統元年

楊剛中撰

在涇縣

記在涇學宮西廡翰林院待制承務郎兼國史院編修官楊剛中撰兼書蓋記涇令馬晉新文廟續也文與隸皆古雅可愛而世鮮有知之者

涇川金石記

元江東建康道廉訪司題名記

無年月

王士熙撰

在宣城

載寧國府志

右江東建康道廉訪司題名記王士熙撰文卜顏帖睦兒書不著立碑年月以題名證之當在元統間又有至元至正續題者則字畫不甚整齊矣元時置江南諸道行御史臺於建康領廉訪司十道

江東建康其一也廉訪使正官有使有副使有僉事題名各爲二列乾隆甲寅六月宣城張惺齋拓一本遺余云碑現在寧國府署前蓋此司雖以建康繫銜而治所實在寧國路也

潛研堂金石文跋尾續

按元初置行臺于揚州故置江東廉訪於建康後徙臺於建康又移建康廉訪於寧國故治在寧國路而繫銜猶以建康也碑立于元統時度所題名尙皆在建康之使副而至元以後之所續則皆在寧國路者矣

趙紹祖識

元涇縣明倫堂記

至正元年

郭雷煥撰

在涇縣

碑爲饒州路樂平州學教授郭雷煥撰衡州路總
管府推官何克明書涇舊無明倫堂縣尹石岷始
建之而雷煥爲記之也其文有日至元又庚辰者
元順帝後至元之元年也先是元世祖至元十二
年爲庚辰至順帝又改元至元而適庚辰故云又
庚辰以別之也雷煥涇縣人世稱其善四六號郭
四六令無存而獨存此碑氣頗疎古知其能不僅
在四六也何克明書亦饒有趙意

涇川金石記

元太平縣秋糧折納記

至正八年

汪澤民撰

文載太平

縣志

記畧云大德中郡立倉水陽儲糴米有司弗能察
太平與他邑通舟楫者概徵本色糧詣水陽輸民
甚病焉至正四年博陵崔侯以江東廉訪僉事按
縣至問民所疾苦羣訴曰莫若輸糧今安吉休寧
旌德皆聽折納請如此例崔侯憮然立召令姜果
牒郡郡上江浙行省行省以江東分司牒轉達中
書中書檄戶部議凡五反覆莫能易分司議折納
上中書遂咨行省爲例後四年二三耆德請予書
其事於石

元太平縣重建重興寺記

至正十一年 納速剌丁
撰 在太平縣 未見

文載寧國府志

記畧云太平縣達魯花赤納速刺丁撰廉訪使經歷吳伯都拉篆額禮部尙書汪澤民書重興寺者距縣北三里卽碧雲菴也宋紹興十五年賜名重興中間屢更興廢前住興國寺僧悟乘道行俗緣遠邇交孚請屈以致崇奉香火成此道場願力所就可傳不朽余忝邑長樂爲之書

元銅鐘銘

至正十四年

僧宗泐撰

在宣城

存

銘畧云金陵寧無極主大寧寺繕修旣完化諸檀越作大鐘後罹災變山門藏殿鐘樓悉廢而鐘亦

廢方復范銅鑄之寶勝住山宗泐爲之銘至正甲午孟冬作

鐘在寧國府景德寺大殿銘係八分甲午係至正十五年寺卽古開元寺而銘言金陵大寧寺未詳又按鐘上層四面篆書帝道遐昌等十六字中層楷書摩訶般若波羅蜜多心經下記先於甲申歲鑄造壬辰下元節燒燬是年新鑄末綴是銘

寧國府志

按穹無極當是金陵僧名來主大寧寺非金陵大寧寺也景德寺或舊名大寧寺或鐘自大寧寺移至景德寺皆不可知至甲午則至正十四

年非十五年府志誤也

趙紹祖識

元水西銅鐘板

至正十五年

在涇縣

佚

縣人左冕作水西續志云僧宗泐號季潭住持水西至正乙未六月作銅鐘板款式古雅自爲篆記復序曰黃鍾生一一生萬物故君子鑠金爲鐘鐘有孔乳以法六齊不忒四時合度大小允窕橈之中清濁得舒徐之和故怒而擊之則武憂而擊之則悲喜而擊之則樂意誠聲變感於金石此自然之理也鐘圓而圓面皆九乳計三十有六各具一音板則兩面聲有陰陽之別舊傳季潭本於景陽

宮製余疑序言亦未之詳盡也以涇金絕少故附著之

涇川金石記

元晚節亭記

無年月

舒頔撰

在寧國縣

佚

在寧國縣西百里元末處士王子昌建舒頔記

寧國

府志